

dum fuerit, apparatus ipsorum ad incrementa patientis morbi, & viæ, quâ transitus patebit, sinuosos flexus instituendus erit: sicq; duo notanda, affectus primum, tum in quo hæret, subiectum. Affectus componendorum facultatē præsignabit, & quando contraria contrarijs opponenda sunt, simplex affectus, remedium simplici facultate donatum, compositus, compositū deposcet. Iam si nos vrget simplicium egestas, vt non sit præstò conueniente gradu facultatis prædictum medicamentū, quod valentius est iusto, quod debilius, aliorū admitione attemperatur. Locus item affectus monet, ea iungēda esse, quorum ope princeps facultas, subiecti temperie adiuta, munus suum gerat alacrius. Viæ pariter habēda est ratio, quam partū corporis naturalis dictabit structura, & ægri voluntas admittet. Quum ergo transit medicamentum, ne longiore mora dimittat vim suā, vel partibus attiguis nocentem qualitatem imprimat, corporis structura animaduersa, in societatem compositionis venientea, quæ vehiculi instar transitum eius accelerabunt.